

【刹利／婆羅門】

（科註第四八九頁倒數第一行）

《三藏法數》「四姓——西域四姓」條：「出翻譯名義集」

謂四種人，妄計我從梵天而生，故稱梵生。婆羅門自計從梵天口生，刹帝利自計從梵天臍生，毗舍自計從梵天脅生，首陀自計從梵天腳生，以此貢高，自謂第一，實非第一也。

〔一、婆羅門〕，梵語婆羅門，華言淨行。或在家，或出家，世世相承，以道學為業，自稱是梵天苗裔，守道居貞，潔白其操，故謂之淨行。

〔二、刹帝利〕，梵語刹帝利，華言田主。為世間大地之主，即王種也。

〔三、毗舍〕，梵語毗舍，亦云吠奢，即商賈種也。

〔四、首陀〕，梵語首陀，亦云戌陀羅，即農人種也。

【居士】

（科註第四九〇頁第一行）

《佛學大辭典》（節錄）：（雜名）居財之士，居家之士，在家志佛道者。

註維摩經一：「什曰：外國白衣多財富樂者，名為居士。肇曰：積財一億，入居士裡。寶貨彌殖故，貪著彌深。」

天台觀音義疏曰：「居士者，多積賄貨，居業豐盈，以此為名也。」

慧遠維摩經疏一曰：「居士有二：一廣積資財，居財之士，

名為居士。二在家修道，居家道士，名為居士。」

十誦律六曰：「居士者，除王王臣及婆羅門種。餘在家白衣，是名居士。」